

4. Nos utriusque Articuli tractationem hac vice expedituri, filium prototypi secuti, de hisce Questionibus συζήτησιν instituemus: 1. Quod sit. 2. Quod una. 3. Sancta. 4. perpetuo duratura Ecclesia, 5. Quid sit Ecclesia & 6. quæ ejusdem certæ nota sive γνώσιματα.

Quæstio I. An sit Ecclesia.

5. Esse Ecclesiam apud pios quosvis extra omnem dubitationis aleam est positum: imò apud Adversarios etiam habetur pro certo & indubitato: licet in modi descriptione illi dissentiant.

6. Idem docet Articulus Symboli Apostolici, quo quisquæ Christianus confitetur: Credo Ecclesiam.

7. Qua professione seiungimur partim ab Epicuri grege, qui Deum rerum humanarum pertæsum, superarum duntaxat & cœlestium rerum cura affici per detestandam ἀθεότητα fingunt: partim ab eorum ματαιολογία, qui Ecclesie terminos, ejusdem cum mundo latitudinis esse, somniantes, quemque in sua religione, etiam extra cœtum fidelium & renatorum salvandum esse delirarunt. Quem errorem præ cæteris fovet Gens Calvinistica, uti patet ex Confessione Cinglij, quam paulo ante tragicum suum exitum ad Galliarum Regem scripsit, in loco de vita æterna.

8. Est verò Ecclesia isthæc, quæ Esse ac credi dicitur, non idea aliqua Platonica: non spectrum quod-